




REPUBLIKA E SHQIPËRISË



**FONDI I SIGURIMIT TË DETYRUESHËM TË KUJDESIT SHËNDETËSOR
Drejtoria e Rimbursimit**

Nr. 2112 Prot.

Tiranë, më 04.05.2018

UDHËZIM

Nr. 6, datë 04.05.2018

**PËR LIDHJEN E KONTRATAVE ME IMPORTUESIT DHE SHPËRNDARËSIT
FARMACEUTIK PËR VITIN 2018**

Në zbatim të Vendimit Nr.72 datë 22.12.2015 të Këshillit Administrativ të FONDI-it “Për kriteret që duhet të plotësojnë importuesit dhe shpërndarësit farmaceutik për lidhjen e kontratës me FOND-in dhe procedurat për lidhjen e kontratave” i ndryshuar dhe të Vendimit Nr. 5 datë 04.05.2018, të Këshillit Administrativ të FOND-it “Për miratimin e kontratave me subjektet farmaceutike për vitin 2018,

Udhëzoj:

1. Kontratat për qarkullimin e barnave të listës së barnave që rimbursohen nga importuesi farmaceutik për vitin 2018 dhe kontratat për qarkullimin e barnave të listës së barnave që rimbursohen nga shpërndarësi farmaceutik për vitin 2018 hyjnë në fuqi në datën 05.05.2018.
2. Importuesit dhe shpërndarësit farmaceutik lidhin kontratë me Fond-in. Fondi krijon dosje të vecanta për importues ose shpërndarës farmaceutik që fillon procedurën për lidhjen ose rilidhjen e kontratës në bazë të kërkesës së protokolluar pranë tij.
3. Importuesit dhe shpërndarësit farmaceutik të cilët janë të kontraktuar deri në ditën e hyrjes në fuqi të listës së barnave të rimbursuara 2018, për të rilidhur kontratë duhet të dorëzojnë brenda datës 18 Maj 2018 pranë Fond-it, dokumentacionin e mëposhtëm:
 - a. Kërkesë për rilidhje kontrate.

- b. Formularin tip të Vetëdeklarimit (shkarkohet në www.fsdksh.com.al),
- c. Kopjen e licencës së ushtrimit të aktivitetit lëshuar nga Qendra Kombëtare e Biznesit - QKB;
- d. Kopjen e certifikatës së regjistrimit tatimor, NIPT/NUIS dhe QKB;
- e. Kopjen e certifikatës së ushtrimit të profesionit për drejtuesin teknik lëshuar nga Urdhëri i Farmacistëve;
- f. Inventarin e gjendjes fizike të barnave të rimbursuara, gjendjen e datës 05.05.2018.
- g. Inventarin e gjendjes fizike të barnave të skaduara (nëse ka).
- h. Listën e barnave Aneksi 1 (në aneksin 1 përshkruhen barnat e rimbursueshme që importohen nga firmat prodhuese farmaceutike), kjo vetëm për importuesit farmaceutik.
- i. Kopje e autorizimit të autorizimit/kontratës nga Mbajtësis i Autorizuar për Tregëtim, vendas apo i huaj, për tregëtimin e barnave të rregjistruara në Shqipëri, kjo vetëm për importuesit farmaceutik.
- j. Vërtetim nga prokuroria pranë gjykatës së shkallës së parë që subjekti farmaceutik, administratori dhe ortakët nuk janë në hetim nga prokuroria.
- k. Vërtetim nga gjykata civile dhe administrative që subjekti farmaceutik nuk është në proces gjygjësor me Fondin.

4. Lidhje kontrate për herë të parë.

Kontratë për herë të parë do të konsiderohet:

- Importuesi/Shpërndarësi farmaceutik hyn në skemën e sigurimeve shëndetësore për herë të parë pa patur asnjëherë kontratë të mëparshme me Fondin.
- Importuesi/Shpërndarësi farmaceutik ka kontratë me Fondin por ndryshon në të njëjtën kohë: a-Licencën e aktivitetit; b-Personin fizik ose juridik; c- NIPT/NUIS.
- Importuesi/Shpërndarësi farmaceutik kërkon të lidhë kontratë pas një periudhë ndërprerje të kontratës.

Importuesi/Shpërndarësi farmaceutik që lidhë kontratë për herë të parë duhet të dorëzojë në Fond dokumentacionin sipas pikës 3 të mësipërme.

5. Importuesi/Shpërndarësi farmaceutik që rilidhin kontratë, dorëzojnë (vetëdeklarojnë) inventarin e gjendjes fizike të barnave (dhe të barnave të skaduara nëse kanë) të printuar nga programi informatik i Fondit.

Importuesi/Shpërndarësi farmaceutik që lidhë kontratë për herë të parë, në inventarin e gjendjes fizike, barnat duhet ti specifikojnë sipas alternativave të firmave brenda të njëjtës formë-dozë të barit, duke shënuar përbri çdo bari çmimin, sasinë, vlerën, serinë, skadencën. Fletët e inventarit të gjendjes fizike të plotësohen saktësisht dhe çdo fletë inventari të jetë e firmosur nga pronari/administratori ose drejtuesi teknik dhe e vulosur nga Importuesi/Shpërndarësi farmaceutik.

Në fletën e fundit të inventarit të gjendjes fizike të fiksohen elementët e fletëdaljes së fundit të furnizuesit si dhe elementët e fletëhyrjes së fundit të firmës prodhuese farmaceutike/importuesit/shpërndarësit farmaceutik (numëri, data, emri).

Inventari i gjendjes fizike të barnave plotësohet në dy kopje, nga të cilat njëra dorëzohet në Fond dhe tjetra mbahet nga Importuesi/Shpërndarësi farmaceutik.

Inventari dorëzohet i printuar dhe në mënyrë elektronike.

6. Importuesit dhe Shpërndarësit farmaceutik që lidhin kontratë për herë të parë ose pas një periudhe ndërprerje, duhet të dorëzojnë kopje të faturave hyrëse, të cilat justifikojnë gjendjen fizike të barnave të inventarit të dorëzuar dhe deklaratën doganore për importuesit farmaceutik.

7. Lidhja e kontratave me importuesit/shpërndarësit farmaceutik realizohet nga Komisioni i ngritur në Fond me urdhër të Drejtorit të Përgjithshëm.

Për importuesit/shpërndarësit farmaceutik të cilët lidhin kontratë për herë të parë ose pas një periudhë ndërprerje, komisioni verifikon me sondazh saktësinë e inventarit të barnave, rezultati i bashkëlidhet dokumentacionit bazë.

Komisioni shqyrton dokumentacionin e paraqitur dhe mban procesverbal për zbatueshmërinë e kriterëve të lidhjes së kontratës nga subjekti i interesuar në mbështetje të Vendimit të Këshillit Administrativ të Fondit “Për kriteret që duhet të plotësojnë importuesit dhe shpërndarësit farmaceutik për lidhjen e kontratës me FOND-in dhe procedurat për lidhjen e kontratave” dhe sëbashku me dokumentacionin përkatës ia paraqet Drejtorit të Përgjithshëm të Fondit, i cili merr vendimin për lidhjen ose jo të kontratës.

8. Lista e barnave që importohen nga firmat prodhuese farmaceutike – Aneksi 1, dorëzohet në dy kopje nga importuesi farmaceutik dhe nënshkruhet nga të dy palët. Një kopje mbahet në Fond dhe kopjen tjetër e mban importuesi farmaceutik.

9. Fondi lidh kontratë me importuesit/shpërndarësit farmaceutik të cilët plotësojnë kriteret përkatëse brenda 10 ditëve nga dorëzimi i dokumentacionit.

10. Nuk lidhet kontratë me importuesit/shpërndarësit farmaceutik të cilët janë në proces gjyqësor me Fondin.

11. Nuk lidhet kontratë me importuesit/shpërndarësit farmaceutik të cilët janë në hetim nga organi i akuzës për çështje që lidhen me zbatimin e dispozitave të kësaj kontrate.

12. Kontrata me importuesit/shpërndarësit farmaceutik hartohet në dy kopje të njëjta, njëra kopje mbahet në Fond dhe kopjen tjetër e mban importuesi/shpërndarësi farmaceutik, kontrata firmoset dhe vuloset nga të dy palët.

13. Për rastin e moslidhjes së kontratës Fondi i dorëzon me shkrim të interesuarit arësyet e moslidhjes.

14. Çdo importuesi/shpërndarësi farmaceutik nëse gjatë vitit në vazhdim do të ketë ndryshim të të dhënave të Vetëdeklaruarës është i detyruar të plotësojë formularin tip të Përditësimit të Vetëdeklarimit duke e shoqëruar atë me kopjet e dokumentit përkatës që vërteton ndryshimin.

15. Në rastin e ndryshimit të çdo njërit nga kriteret a-Licencën e aktivitetit; b-Personin fizik ose juridik; c- NIPT/NUIS, d- drejtuesi teknik nënshkruhet shtojcë kontrata përkatëse.

16. Inventarët e gjendjes fizike të barnave të rimbursuara importuesit/shpërndarësit farmaceutik do të dorëzohen në zyrën e protokollit. Drejtoritë e Fondit për arësye pune mund të tërheqin fotokopje të inventarëve nga zyra e protokollit ku kopja të jetë e njesuar me origjinalin.

DREJTOR I PËRGJITHSHËM

Eduard Ahmeti

